

申冕盟先生年譜附傳
金 姬 傳附別記
阿 計 替 傳

同昌公主外傳
袁天綱外傳



Z 121
1
345 2

申鳧盟先生年譜

附傳

申涵煜
申涵盼
輯

中華書局

叢書集成初編

申覺盟先生年譜（及其他四種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米 三十二分之一

統一書號：ISBN7-101-00894-1/K·367

申鳧盟先生年譜

此據畿輔叢書本
排印初編各叢書
僅有此本

申鳧盟先生年譜

弟涵煙補輯

我申本晉人。自屯留徙絳。二世祖庸明。初赴掖縣令。道永年得吉壤。遷始祖文美。槐莊焉。是爲永年申氏。三世祖達。以人才仕汝寧知府。加參政。四世祖甯舉賢。良方正。辭不仕。五世祖廣靈。璧籥封郎中。高祖諱緒。倉大使。兄綸。進士副使。曾祖諱羽。庠生。祖諱化。贈吏部員外郎。諸從兄弟佐進士。巡撫都御史。价。進士給事中副使。偉。舉人通判。僑。舉人知縣。中清。舉人知州。儲。中道。俱舉人。父端愍公。諱佳允。進士吏部太僕寺丞。殉國難。諸從兄弟靈允。舉人知縣。琬。舉人。姪爲憲。進士給事中副使。爲廣平巨族。端愍公配靳安人。生子三。

明萬曆四十七年己未冬十一月三十日丑時公生。

端愍公年十八。靳安人年十七。公爲冢器。

泰昌元年庚申。公二歲。

端愍公補邑庠生。

天啓元年辛酉。公三歲。

端愍公舉於鄉。

七年丁卯。公九歲。入小學。

從張先生斯受治毛詩館於縣庠

崇禎元年戊辰公十歲

八月十八日申時仲弟涵煜生

三年庚午公十二歲

從學趙先生士宏館於鄭子茂家初爲舉子業卽通徹文理人嘖嘖稱異之○十二月初一日亥時大妹生

四年辛未公十三歲從任儀封

端愍公成進士八月選儀封令隨之官復延張先生斯受

六年癸酉公十五歲補邑庠生

督學袁公鯨公至自儀封未及府試大名監司盧公象昇素賞識公文力薦之○是歲端愍公調杞

七年甲戌公十六歲從任於杞

從學劉先生佳兆

八年乙亥公十七歲春就婚盧氏秋復至杞

娶孝廉盧公愜允女卽館於其家公少離里閭寡交識朴訥未姻揖讓人遂目爲高亢閉門謝客有以聲色嘗者輒斥去

九年丙子，公十八歲，鄉試下第。

值亂，場期改於十月。○冬，端愍公入覲過里。

十年丁丑，公十九歲，夏，送母如京師。

端愍公擢吏部文選司主事。

十一年戊寅，公二十歲，冬，捐貲城守。

九月十五日寅時，季弟涵昉生於京邸。○冬，亂，邢洛失守，郡城戒嚴，公宿城頭月餘，慨捐四百金助公費，又出錢二十萬犒士。

十二年己卯，公二十一歲，鄉試下第，留京師，冬，食餼。

刻清詒堂制義稿，始學爲詩。○先是督學吳公道昌試高等，至是食餼。

十三年庚辰，公二十二歲，春，奉母歸里。

端愍公謫南國子監博士，公攜眷屬先歸，時久旱民饑，白骨徧野，率家僮三五人，行盜賊荆棘中，惴惴有戒心。

十四年辛巳，公二十三歲，春，長女生。

三月二十四日子時，長女生。○冬，約股子岳、郝子挺、劉子璇、李子炯，讀書齋中，制義外兼攻古文詞，寢食共之。

十五年壬午。公二十四歲。鄉試下第。冬。病絕而復甦。

集三郡名士有觀社之舉。與劉子璇讀書西巖村。○端愍公遷大理寺評事。北上阻亂旋里。爲城守計。○冬。公早起讀書。忽中痰死。僮僕無一人在側者。近午乃甦。如是者三。歲杪稍有起色。猶望風欲僵也。十六年癸未。公二十五歲。春。捐貲修路。秋。如京師省親。七月歸里。

城外決水衛城。一望無際。公捐八十金。築南門外路。往來便之。○端愍公入都。轉太僕寺寺丞。公往省親。值大疫。端愍公遽命肩輿歸。○冬。大妹適曲周路澤農。○時寇信日棘。端愍公自京師貽書。有行已曰義。順數曰命。義不可背。命不可違。吾受國重恩。誓以死報。不復顧家之語。公捧書痛哭曰。吾父志決矣。奈何。然恐傷母氏心。不敢使聞。潛涕泣而已。

皇清順治元年甲申。公二十六歲。春三月。端愍公殉國難。夏五月。柩還。秋七月。襄事。八月。如江南。

二月。送靳安人入都。至邢臺病歸。遂入西山。依殷子岳淵兄弟。與鉅鹿楊孝廉思聖定交。靳安人至真定。阻亂亦還入山中。未幾。僞令檄紳士避亂者還郡。拷掠甚慘。公輸罄家貲。始得免寇去。復出城。竄山中。四月。聞訃。一痛幾絕。力疾乘車北上。引柩至樂城。阻不進。值賊潰衆南下。乃還。無何。仲弟涵煜奉祖母軒太安人。間關自都回。相持大痛。遂避亂山砦。或地洞中。五月。僞將軍復據郡城。恣擄掠。家資蕩然。事稍定。復爲迎柩計。募二浮屠往探。會義備徐起鳳。先移柩天寧寺。至是同二浮屠疊至。人驚爲神。七月。襄事。八月。南行。聞妹翁路公振飛建節淮上。故往依之。道中艱苦備嘗。抵淮。路以憂去。遂渡江。過路。

公舟於吳門外。見妹氏痛哭久之。轉入金陵。聞得卹典。復返吳門。時殷子岳亦在南。先是岳弟淵當賊據郡城時。謀誅雞澤僞令。賊覺執之。公請諸郡弁。夜半發兵往援。比至。淵已不屈死。兄岳聞變出走。賊追之急。公捐三百金。募死士構精甲往迎。誅其叛奴。乃免於難。岳跳身南走。依巡漕御史白公抱一。故與公復相晤云。

二年乙酉。公二十七歲。夏四月歸里。

在吳門以端愍公傳志走松江。求陳公子龍。夏公允彝。至嘉興求徐公石麒。皆許諾。已獨陳以傳至。聞大清兵臨江。急圖歸計。與殷子岳同車渡河。風雨盜賊苦倍往時。○七月。端愍公入鄉賢。自患難來。焚焚孤立。宵小輩頗有乘危下石者。順廣道監司甘公文燿極力呵護之。又請於督學曹公溶題請卹典。捐貨建祠。廿後死襄陽之難。○捐錢百緡。修城南路。

三年丙戌。公二十八歲。秋服闋。

殷子岳選隴寧令。邀公公不往。以其性質直多忤。日作書勸之歸。○公自亂後。秋夏多鄉居。賦詩自遣。初猶體清氣弱。渡江以來。詩格一變雋脫。類何大復。南中極稱之。歸益肆力於詩。擬議變化。日歸渾厚。在南學琴於繆星明。歸又學於張子蓋。然非所好也。

四年丁亥。公二十九歲。

冬。長女許字進士李公澄長子奇瑗。

五年戊子。公年三十歲。遊林慮山。

時殷子岳棄官歸。同訪白公抱一於林慮。白削髮披緇。隱山中。以理學自任。

六年己丑。公三十一歲。秋遊廣羊山。登懸壺腦。

八月。督學歲較士。公決意脫諸生籍。爲入山計。已具牒矣。親友百計阻之。靳安人亦不許。遂中止。○九月。同殷子岳遊廣羊。訪張司馬鏡心於懸壺腦。過石門。訪張子。蓋時設帳於此。是晚宿紫山寺。次日遊田村李氏竹園。○時郡人競致箕仙。贈公有名重身難隱。交多謗易生之句。公甚佩服。

七年庚寅。公三十二歲。

五月。白公抱一過洛。同殷子岳往晤。談性命之學甚深。兼及二氏。公曰。講學本爲後生作法。但當依日用爲言。且三教判然。但言吾道。已覺行之難盡。何必定兼二氏也。○八月。訪張司馬於磁。○冬。延郡中名宿同仲弟煜讀書潛樓。公時過嚴督之。月三會。文日評閱不倦。南鄉諸士十許人。亦來執經問業焉。○公讀李白集。以爲高亮類漢人鮑明遠。有其雋逸。氣不及也。雖有粗鄙處。特豪縱不自簡飭。神仙飲酒。亦其寄興。雖重見疊出。不足爲病。又讀漢樂府及鮑謝詩。謂謝爲六朝領袖。而繁縟變積。不逮明遠。遠甚。初擬古。是歲凡得詩七十餘首。

八年辛卯。公三十三歲。

詔使詞林傅公維麟。年家誼也。至郡式廬。相得甚歡。有贈詩。○郡丞呂公起渭。委選社稿。刻洛文選。○

是歲讀明詩。謂詩文至今大備。雖有智者不能另闢天地。然亦須就中出脫。使閱者心目爽然。不然。縱
殫心刻骨何益。何李七子皆涉依附。竟陵兩公矯枉過正。人言宋元無詩。其實真山民蘇子瞻薩天錫。
自出手眼。尙有一段精光。近世人人雷同。詩必開元。文必史漢。遂成生吞活剝世界。子好閱明人集。凡
諸大家。無不經目。大約南人功純氣薄。北人朴儉。多不肯以此道從事。是以難也。

九年壬辰。公三十四歲。詔訪甲申死難諸臣。

夏營西巖書舍。○冬。詔訪死難之臣。詞林王公崇簡。給諫魏公裔介。以端愍公名列上。

十年癸巳。公三十五歲。春。丁祖母憂。夏。以卹典如京師。

祖母軒太安人有苦節。公自幼寢食相隨。至是卒。年七十有四。○儀部覆殉難疏。遣九人。端愍公與焉。
公遂有都門之役。時大霖雨。道無行人者月餘。攜兩童子跨驢行泥淖中。雨不絕。至潯沱。水漲。守四日。
乃渡。至新樂水倍闊。留旅舍月餘。改道無極。行水中百餘里。遇深處。募人扶掖。兩足淩空。氣咽肉顫。至
方順橋。偶病。覆被晝臥。屋壞。急起枕。擊碎傷踝。次早行。足陷泥中。膠不可上。跣行傷足。雨至。衣溼寒栗。
無人色。踏泥行田禾中。豪佃執白梃虎視。時遭捶撻。又六日抵都。人皆驚爲飛渡也。徒跣號燕市中。諸
正人皆大不平。給諫周公體觀復上疏言之。部議仍執前說。時公卿能詩者。皆忘分與交。公亦以布衣
自待。名噪長安。

十一年甲午。公三十六歲。春。襄事。秋。如臨清。迎妹氏。除夕嫁女。

給諫張公王治再疏死難事得命旨部議復格。○迎妹臨清時傳公維麟出爲監司留二十餘日。○李公澄以將之松江任趣畢姻女遂出閣。

十二年乙未公三十七歲春析居夏服闋秋遊泰山冬卹典行。

析居承母命也公念姜肱高義且慚且勸忽忽愁嘆鬚白數莖。○九月同殷子岳至臨清將爲江淮之遊傳監司邀遊泰山遂從至濟南飲趵突泉上晤于方伯之士舊庠師也至泰安遊蒿里嶽廟靈祐宮遂登岱宿嶽頂欲觀日出會雨不果復至濟南遊大明湖由臨清館陶還是行得詩三十首刻岱吟。○儀部覆卹典疏照例行蓋都諫魏公裔介特疏行查之力也。

十三年丙申公三十八歲春如京師遂遊太原。

公感魏公特疏高誼如都謝之魏公委較觀始集便道過井陘歷固關訪楊泉使思聖於太原蓋廣羊避亂時故交也時以學士外遷四月返里。○五月如磁弔張司馬。○七月有事於大名。○是歲約同邑諸英少同季弟盼會文月七藝公仍自評閱。

十四年丁酉公三十九歲秋遊百泉。

時楊公思聖遷中州右方伯約相見百泉上遂同殷子岳謁孫徵君奇逢於夏峯執弟子禮留數日自幸如遊黃虞之世爲徵君題兄弟倡和卷曰鵠原高韻。○作歲晏詩。

十五年戊戌公四十歲送妹氏南行至臨清。

奉大名道監司王公度徽州郡練鄉兵。民間頗不便。公上書曰。畿南雖號承平。然荒村鼠竊。所在時有。自明公建節以來。威德遠播。奸宄革心。抱鼓不鳴者有日矣。猶以安不忘危。綱繆未雨。近如操練鄉兵一事。旌席一方。萬民尸祝。光等荷戈以從。自爲身家計。夫復何言。竊念立法經始。務求無弊。恐有司奉行過常。漸失初心。不揣謬狂。妄肆陳說。古人蒐狩必於農隙。故三時耕作。一時講武。恐妨農也。自去冬奉憲檄。三郡中頗有行者。地無遺瀾。呼而集於郊關。演武之場。冰雪掩旰。霜風裂膚。官以有事不卽點驗。抵暮而散。他日復然。饑寒困踰。莫可告語。困已甚矣。然爾時尙無農事也。今東作方興。一歲凶稔。或爭時刻。殺賤人稀。僱工不易。婦子晝夜胼胝。尙虞廢時失事。而往來操練。半在城郭。且勢力者例不入籍。所驅皆貧民耳。器械弓矢。火礮衣裝。所費已不貲。甚且教頭箕斂。奸胥橫索。未覩一兵之用。先耗終歲之費。萬一戶口流亡。國賦安出。且畿民好爲訛傳。謂將練習成伍。遣戍遐方。轉相驚疑。恐生他變。方今冀貴已平。海內混一。畿南沃野千里。竝無伏莽可虞。光等不知大計。仰求再行中飭鄉兵之設。本期守望相助。戡事之暇。本村練長量行操練。有司不得句調至城。若一村有盜。鄰村救援。坐視不救者。論如法。庶盜可弭而民不擾。是亦非田遺意也。○督學熊公伯龍歲較士畿南。聞唱公名。驚起。顧屬吏曰。此吾故人也。拔第一。漸行。留詩贈之。○郡伯作平于三君詠。謂公及張子蓋殷子岳也。○是歲作家誠詩。賀丹陽應旌。刻聰山詩集。

十六年己亥。公四十一歲。夏如平定。

舊難澤令劉公新撫甯夏。約相見於途中。會公幼子殤。遂至平定。劉公邀西行。公以老母在堂。勢難遠出。力辭之。○爲杞縣劉文烈公理順立傳。其家孫始蒿來求也。

十七年庚子。公四十二歲。辭辟舉孝行。

詔州縣舉孝行。有司以公應。公力辭不許。乃上書曰。有司舉光孝行。以應新制。光自揆德薄。具呈力辭。未蒙垂允。竊念孝道至大。昔賢所難。矧光庸頑。何足齒數。推原朝廷察孝之意。本謂內行純備。才猷卓絕。施於爲政。用張風紀。非如他時探風者。但取醇謹旌厥里閭而已。光於朝廷。實受再造。先人幽忠。隔在異代。自分湮沒久矣。荷朝廷日月至明。聽言不厭。再四。務詳顯末。傳諸信史。秩宗典禮。備極寵隆。夫入德及所生。卽在親交。炙鷄絮酒之儀。尙爾感激。況恩同覆載者乎。故嘗終夜拊心。不知所報。今執事謬相推舉。引以仕進之路。假令當途過聽。俾盡毫髮。雖萬死豈非至願。然聞古之君子。料能而行。度德而處。故悔慙去於其身。光非有一長可稱也。性褊才拙。動見齟齬。多難畏人。杜門息事。間或作爲詩歌。聊以永日。雕蟲末技。無關大道。跡其所行。一匹夫碌碌者耳。若徵世途。將焉用此。卽謂明詔特以孝舉。遠恤其他。夫所謂孝者。卽古之曾閔。必有奇節可矜。尋常子職。胡可云孝。光先人殉國時。義當從死。覲顏苟活。慚負天地福。不可以虛受。名不可以苟得。反實之名。恥孰甚焉。光雖不肖。豈敢以終南片席爲梯榮釣祿地哉。是以宵晝徬徨。措躬無所。伏願別擇英賢。用光盛舉。光年四十有一矣。頭顱未老。尙堪策勵。從此讀書學道。勉圖令終。萬一德業少進。庶以上報國恩。下酬知己。長聽控辭。幸爲垂諒。有司得

書。知不可奪。乃止。○季弟涵。吟舉於鄉。○是歲作五言律百首。遂止不復作詩。十八年辛丑。公四十三歲。春。貢入國學。秋。送母如京師。

初以歲貢如都。途中聞登極詔。改爲恩貢。熊公試。仍拔第一。公投牒禮部。以病不能廷試。得允。喜曰。從此可蕭然世外矣。與公車名士十九人。集梁家園。○季弟涵。吟成進士。選庶吉士。迎養新安人京邸。公送如都。○冬。姻家李公澄。緣兄濟事。累戍關外。託孤於公。後撫其三子。皆成立。

康熙元年壬寅。公四十四歲。春。奔母喪。如京邸。夏。次女生。秋。九月。襄事。○靳安人卒。京邸。享年六十。公聞病。奔赴。已無及矣。因仰天長號曰。兩大人皆卒。京邸。光不及見。終天之恨。曷其有極。扶柩自水路抵里。大妹自南來奔。○四月十三日亥時。次女生。○九月。合葬靳安人於祖塋。

二年癸卯。公四十五歲。如太原。

方伯王公顯祚。中表契闊二十餘年。屢折來邀。公不得已。至晉署。一握手。卽歸。太原高士傅山。貧居不蔽風雨。公力言於方伯。爲買宅數畝。歸築遲山堂。殷子岳。號宗山堂。爲其下榻地。殷亦扁其堂曰喻覺。志交好也。○是歲。劉泰州佑重刻聰山詩集。

三年甲辰。公四十六歲。夏。服闋。送季弟如京師。

由臨清舟行入都。八月歸里。○夏。峯孫先生。嘗著甲申大難錄。列公姓名序中。其門人濟寧守爲仇所

許。逮京上聞。久之事解。

四年乙巳。公四十七歲。

公念先人未了事。次第已畢。見兩弟成立。門戶有託。陶然自足。不事遠遊。日坐遲山堂。柴門反鎖。闕若無人。既能吟咏。脫去障累。隨手一編。聊以永日。暇則散屣南園。灌花種竹。酌酒聽鶯。日暝薄醉。歸來長嘯。庭除木葉振落。嘗自題齋壁曰。學古之志未衰。每日必擁書早起。干世之心久絕。無夕不把酒高歌。客有羨公閒者。公曰。人有不能閒者。有不肯閒者。予外不憂門戶。內不計米鹽。是造化深仁欲閒我。而性好畏人。閉門息事。經經之守。實不敢多營。但萬事悠忽。任以無心。身將老矣。而德不加修。是可愧也。

五年丙午。公四十八歲。春。視弟京師。

在都日。孫少宰承澤勉以學道。公曰。光自量質性直朴。寡嗜欲。是亦學道之資。但粗浮不耐事。當以涵養氣質爲先。若無所事事。此心全無歸著。則蠢然一物矣。發志學道自此始。○五月。歸里。作端慙公年譜。○秋。仲弟涵煜舉於鄉。季弟涵盼督檢討。公遺之書曰。各念先人積德。我輩坐享其福。從此當勉刀爲善。以答天休。○冬。如柏鄉。晤魏相國裔介。時假歸也。

六年丁未。公四十九歲。秋。視弟京師。

夏。公有事於大名。○說杜成。路妹壻澤農。刻於吳門。○題齋壁曰。年屆知非。第恐童心未改。學期見道。莫言聖域難窺。○邑侯王公家楨。扁其居曰。居然栗里。○作性習圖說曰。上下攸分。何啻霄壤。原其初。

相去無幾耳。所習既殊，日以漸遠。昔人所以悲岐路也。試按此圖，細加省察，習於上者勿致鮮終，習於下者急圖改轍，人人學爲聖人，而不甘自棄，世道其永賴之矣。

七年戊申，公五十歲。

恩詔有訪求隱逸一款。相國魏公喬介深屬意。公公婉詞謝，且上書曰：「光忽忽抱病，約如去年，肌膚漸瘦，酬應都絕。雖讀書之志不衰，而精氣銷亡，增益殊少。恐此生終於無聞矣。高誼拳拳，若以枯木朽株，尙堪噓植，知己之感，比於生成，然而驚駭不堪驅策。所謂臣之少也，尙不如人。今老矣，無能爲也。方今聖政日新，事事以仁厚教天下，良宰相輔導之功，旂常竹帛，丕著無窮。光有詠歌帝力，鼓腹田間而已。相國竟不忍發。」○四月，如大名。晤王方伯顯祚，時罷官歸。○是歲，荆園小語成。夏峯孫先生序之曰：「小語者，申子堯盟之所著也。夫語豈有小大哉？語期於常理而已矣。理豈有小大哉？洒掃應對，卽精義入神之事。鄉黨一篇，記聖人衣服飲食，揖讓寢處，而聖人之精神面目和盤托出，卽曾子所稱「江漢以濯秋陽以暴」，子貢有「若自生民以來未有夫子」，宰我賢於堯舜，夫豈有加於此哉？理固無大小也。堯盟生平極力自淑，以淑其兩弟，今兩弟皆自立，而堯盟之苦心積慮，閱歷深而動忍熟，荆園一編，雖小語實至語也。語不從自己心性中經涉歷鍊，而徒爲高遠深微之論，以誨人聽聞，此最學人之所當痛戒也。堯盟益矣。堯盟自言真理學從五倫做起，大文章自六經分來，噫，此小語云乎哉？」

八年己酉，公五十一歲，春視弟京師。